



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Sapientiæ comes Castitas.

[urn:nbn:de:hbz:466:1-68709](#)

contumelij ac minis incesserent, subito in picas sunt versæ, & quod
Poëta canit:

Nunc quoque in alibus facundia prisca remansit,
Raucaque garrulitas, studiumque immane loquendi.

Ethica.

I. (a) Refertur hæc fabula in seminarum loquacitatem ac levitatem; quid enim notius, quam picarum garrulitas, & inquieta per ramos arborum desultatio? Sallustius de Sempronia Gracchorum matre: noverat psallere, saltare elegantiū, quam necesse est probæ. In quare multas imitatriæ habet, quas juvat ad numeros, leviculos mouere pedes, & viros fatigare saltando. Atque haec volucres, hominum fidem! quot ubique pullos excludunt! in qua domo aut familia non est reperire ejusmodi picas, arrogantes, garrulas, saltatrices, convitiatrices? Juvenalis de harum inter se consortio:

Tot pariter pelues, tot tintinnabula credas
Pulsari,

Quibus verbis allusit ad æs Dodonæum, quod in Proverbium de loquacibus abiit. Tradunt enim, in nemore Dodonæ urbis, regionis Chaoniæ, vicino, Jovique sacro, duas columnas fuisse; in una quidem positam pelvim æneam: in altera pensile simulacrum pueri, flagellum æneum manu tenentis; quoties autem ventus vehementior flaret, factum esse, ut scutica impulsa crebrius lebetem feriret, isque percussus tintinnum redderet, totâ Silvâ resonantem. Hoc taxantur homines impendiò loquaces, præsertim feminæ, quas si verbulo tangas, continuò tam multiplici strepitu personat lingua crepitaculum aut tintinnabulum, ut totis ædibus, immo plateis audiatur. Aliud ad hanc fabulam adagium pertinet: *Pica lusciniam*, scilicet provocat, quod in eos convenit, qui longè impares arte vel ingenio, audent peritos ac doctos in certamen vocare. De quo in Marisia egimus.

II. (b) Pulchrior à Musis tam doctrina, quam eruditio petitur, quæ Cupidineis intactæ sagittis, perpetuam virginitatem colunt; nempe Sapientia & Castitas forores sunt. Salomon in Prov. c. 7. *Dic Sapientię, foror mea es: & Prudentiam voca amicam tuam.* Est enim studium litterarum ac sapientiae optimum remedium ad fugiendam libidinem, & castitatem servandam; quia mens occupata studio, non cogitat de ob-

R 3

scœna

(a) Feminarum loquacitas & levitas. (b) Sapientia comes castitas.



scena voluptate, meliore oblectamento capta. Hinc Sapiens post verba hīc posita, subiunxit: *Vt custodiat te à muliere extranea, & ab aliena, quæ verba sua dulcia facit.* Scilicet à pellaci voluptate. Notum est, quod de S. Gregorio Nazianzeno legitur; cui per visionem sese quasi amicas obtulerunt *Sapientia & Castitas*, specie duarum virginum sororum, quarum utriusque amore mirifice capiebatur; potuitque illud Salomonis meritò de se usurpare: *In amicitia illius (Sapientiae) deletatio bona, & in operibus manuum illius honestas sine defectione.* Sap. 8.

III. (c) Musæ se invicem manibus, velut ad choreas ineundas, complexæ, sunt *Artes Liberales* inter se, tanquam sorores connexæ; Inde Musis hoc nomen mansit; quas aliqui volunt dictas, quasi *opus essæ, simul existentes, conjunctæ, ac sociatæ; hinc Encyclopaedia, id est, scientiarum orbis seu circulus.* Quod autem *hilares, & quasi choream ducentes, aut manibus instrumenta Musica tenentes singantur ac pingantur, innuitur Voluptas ingenua,* quæ ex litterarum studijs hauritur. Nam litteræ juvenibus sunt necessariae, senib[us] jucundæ: pauperibus opes suppeditant, opulentis adjungunt ornamentum: in rebus adversis solatio sunt, in secundis gloria: claro natis genere splendorem augent: obscuris origine, claritatis initium conciliant. De litterarum laudibus & jucunditate egregiè Muretus Orat. 2. Neque verò, inquit, pertinacendum est, ne aut labore frangantur, aut voluptatis irretiantur illecebris, qui ætatis suæ florem litterarum studijs dedicandum esse statuerunt. Tanta siquidem est oblectatio, paulatim acquirendâ cognitione rerum sese pascentis animi, ut, eā qui perfruuntur, ab ijs neque laboris tœdium, neque avocantium voluptatum blanditiæ sentiantur. Itaque sapienter Poëtæ cùm cæteros Deos omnes Veneris imperio subdidissent, in Minevam modò, & in studiorum præsides Musas nihil ei, nihil Cupidini juris esse voluerunt. Quanta autem voluptas ea, quæ discendo sentitur, major sinceriorque fit, vel illud indicio est, quod aliarum, etiam qui illis plurimum tribuunt, satietatem tamen quandam esse, ac tœdium, confitentur; hujus ut quisque percepit plurimum, ita eam acrius atque avidius concupiscit. Hæc vir ille doctissimus. Sensit hanc voluptatem Maro, qui 2. Georg.

Me verò primum *dulces ante omnia Musæ,*
Quarum sacra fero, ingenti percussus amore,
Accipiant, cœlique vices ac sidera monstrant.

Quod eò explicare possumus, ut qui hoc studio afficiuntur, à blan-

(c) *Litterarum utilitas & oblectatio.*

dis

